

Obuka za novih 110 polaznika Microsoft Skills centara

Projekat zapošljavanja mladih (YEP), i udruženje MS Community potpisali su danas ugovor o saradnji čime se YEP pridružio projektu Microsoft Skills centara. Uz podršku kompanije Microsoft u spomenutim centrima planirano je obučavanje i sertifikacija 350 osoba u korištenju Microsoft tehnologija. Usvajanje novih IT znanja i sticanje odgovarajućih sertifikata, značajno uvećava šanse mladih za zapošljavanje. U saradnji sa Fakultetom za informacijske tehnologije Univerziteta Džemal Bijedić u Mostaru, Ekonomskim i Elektrotehničkim fakultetima Univerziteta u Sarajevu i Panevropskim univerzitetom APEIRON (Banja Luka), udruženje MS Community je u julu ove godine pokrenulo Microsoft Skills centre. Uz podršku kompanije Microsoft planirano je da se u centrima obuči 240 studenata navedenih i srodnih fakulteta. Uključivanjem Projekta zapošljavanja mladih (YEP), koji se realizuje uz podršku Vlade Švicarske, ovaj broj se uvećava za dodatnih 110 nezaposlenih mladih sa evidencija službi za zapošljavanje. Povodom potpisivanja ugovora Ranko Markuš, rukovodilac YEP-a, izjavio je: „Programeri su jedno od najtraženijih zanimanja u BiH i svijetu, te ne postoji nikakva dilema da li će im sticanje Microsoft sertifikata značajno olakšati put do pronalaska zaposlenja. Nadamo se da će svi koji uspješno prođu obuku brzo pronaći zaposlenje, te da ćemo na taj način promijeniti i klasične načine realizacije aktivnih mjera javnih službi za zapošljavanje, koje bi trebale biti dinamične kao i samo tržište



„Prije svega se želim zahvaliti YEP projektu i Vladi Švicarske jer su prepoznali vrijednost projekta i odlučili podržati Microsoft Skills Centre i udruženje MS Community. Kroz Microsoft Skills Centre, a uz podršku YEP projekta, nezaposleni mladi imaju priliku steći znanje i vještine u IT segmentu i dobiti oficijelne Microsoft certifikate, koji su izuzetno cijenjeni kod poslodavaca u IT industriji“ rekao je Omar Krivošija, direktor Microsoft BiH. Predsjednik udruženja MS Community Damir Dizdarević je istakao: „Drago name je što je pored Microsofta, i YEP prepoznao vrijednost i značaj ovog projekta za nezaposlene osobe, kao i mlade generalno koji žele da unaprijede svoje IT vještine. Ova saradnja omogućava da se broj polaznika poveća i da projekat postane dugoročan, čime ćemo sigurno doprinijeti zapošljavanju mladih.“ Više informacija o načinu apliciranja za učešće u obuci dostupno je u prostorijama biroa za zapošljavanje pri Službi za zapošljavanje Kantona Sarajevo, Zavoda za

zapošljavanja RS, biroa Banja Luka i Službe za zapošljavanje HNK/Ž Mostar te na web stranicama www.yep.ba i www.skillscenter.ba.